

新民縣志

丙寅六月  
汪毓昌題

新民縣志  
丙寅年六月

新民縣志

王煜斌題



新民縣志

卷首

序

圖

修志姓名

例言

目錄

前新氏府志原序

自法之果彼爾氏譯禹貢歐西學者大譁謂我國統計學導源三代蒙謂直郡縣志之濫觴耳其書於州域流源土宜貢賦莫不條舉件係在上古法純事簡亦云備矣後之志郡縣者類祖之其佳者如林紘之知興化作莆陽人物志周羽冲之宰脩仁作三楚新志而對山之武功縣志尤膾炙人口然要皆拘牽於體例至欲參攷其山川形勢簡核其戶籍民隱詳略異宜鮮足徵信攷政治則諛去思言教育則詡科第名勝之境選佛之場則備志之細至一葉一花亦必詞賦博徵以鳴全盛在昔閉關

自守車書一家誠足以消戢雄鷙據寫文旨鼓吹太平之具蓋  
無當於今日也久矣新郡並此而無之不其慨歟雖然整飭百  
凡創之為功也疾於因新郡闢治曾幾何時顧已庶政畢舉學  
校日拓不四五年進亦驟矣撫今思昔能無為新民幸然工商  
苦窳學者僅百分之二自茲以往其進若何執因問果又能無  
懼郡守管君蘊為先憂迺以其集益所獲足資攷鏡者賈餘勇  
以建郡志之創格舉凡體例編目之說一掃而空之事維其實  
數維其詳將以鑑別其妍媸得失跡癥結以奏刀圭其用心復  
何如也見智見仁是在讀此志者他日歐西譯之以去亦又云



何謹叙

長沙楊德鄰

序

日俄戰役而後外人之於我東三省也攷察調查無微不至其  
已有成書而為我所及見者如滿洲地志滿洲要覽滿洲旅行  
記財力論實業之滿洲之類已不可勝數皆於地方之政治民  
俗物產商業纖悉畢舉如數家珍而我七百餘萬歌哭是土之  
父老子弟顧夢夢焉昧昧焉鳳雛竊以為恥及讀日人橫井博  
士之序言曰滿洲土地三十六萬方里比之日本版圖殆二倍  
餘舉此龐大之地為日本貿易之市場其南方一帶正入日本  
之勢力範圍以此經營殖民製造採礦之事業是天與我以經

濟上民族上謀發展之地也風餘不禁皇然懼而躍然興夫滿  
洲幅幘三十六萬方里吾新居其二十三分之一則全滿之興  
亡休戚吾新固肩二十三分一之責者也外人之拓殖力進一  
步吾民之生計力即窘一步至窘無可窘吾新三十八萬餘之  
民族惟有隨天演之淘汰國力同付淪胥嗷其泣矣嗟何及矣  
天下興亡匹夫有責吾新對於全省固肩二十三分一之責對  
於府治則三十八萬餘之父老子弟尤人人肩一存亡休戚之  
責者也富者出其財貧者出其力士竭其智氓効其能舉凡生  
聚教養通商惠工屬於行政範圍內風餘今日之所擘畫其端



者人人具赴湯蹈火毀家紓難之志有以竟厥緒而助其成則  
新地雖居二十三分之一有土有民即不患無財無用固可以  
一分為二十三分之模範鳳雛一官郡守經年於茲補苴掇拾  
成就雖無可言要惟孜孜求治凡寸衷念慮之所及斯民痛癢  
之所關苟足以福吾民者無刀所勝罔敢自逸此則可與三十  
八萬餘之父老子弟共見以心者也茲察所及手書而筆識之  
積久裒然成帙顧之曰新民府志地方設治未久文獻無徵此  
志之作僅能徵諸事實以為行政之參攷顧人事至蹟治理日  
繁即以事實言亦月異而歲不同凡所列之表皆就光緒三十

四年所調查統計者編纂始於宣統元年春起九月而出版其間事實之變遷又不知凡幾日編一頁夕付手民脫誤尤多前後體例皆未能一致惟是月計歲會此為權輿續有所作當能正其訛而補其闕失苟使讀是書者恍於外力之日偏生計之日艱奮然有民族思想經濟思想毋束手以待人之我先則後之作是書者對於民族政治之優勝數十百倍於今日其記載之完備亦可數十百倍於今日將是編供吾民覆瓿用亦守是土草是編者之志也是為序

宣統龍飛之歲秋九月知新民府事管鳳銖書

重輯新市府志序

唐虞以降代有典籍而方志掌於地官實後世郡縣志之權輿  
吾新氏設治較晚典章文物闕焉未備郡志之作創自管洛笙  
太守亦僅就行政所及掇其概要視腹省列郡瞠乎後矣民國  
肇興郡邑異制而時會之遞遷律度之因革有非故志所及詳  
者李廉白大令始倡修志之議而縣掾趙君慶鏞主之王煥然  
大令繼長吾邑復賡續而擴充之就縣教育會為編輯所延耆  
儒張君韻芝綜司纂訂邑紳常君季浦王君膺樞先後主其  
事而王君翔九劉君升九吳君世榮佐之同時里居士紳宦遊



名宿咸任採訪之役條流固粗定矣

廼斌

頻歲從事政治解官

後奉母寄居析津未獲與諸君子分筆札之勞時復厲書商榷期於折衷至當不悖古史文質事覈之旨會王岷源省長袁潔珊參政擬輯省志謂廼斌曰邑志之於省志固相輔而成者也君籍新氏盍促成邑志以訂其闕同里龔品清參政梁素文參事亦交相敦勉廼斌心焉識之維時邑宰王君憲章亦鄉人也素負時望富于學識履任後網舉目張百廢俱舉復有取於衆議殫心志局分類裁定列卷十八曰地理曰區劃曰建置曰財賦曰實業曰教育曰交通曰宗教曰交涉曰慈善曰風俗曰

兵事曰人物曰列女曰藝文曰物產曰古蹟曰雜志臆而覈詳  
而有體故志之疏舛者無如地理若方域形勢之歧錯山脉河  
流之背向方聞類多剽襲載籍輒有異同憲章監督簡員四  
出調查精確輔以測勘於是全境輿圖釐然不紊而邑志遂以  
完成苟悅漢紀謂立典之志有五曰達道義曰彰法式曰通古  
今曰著功勳曰表賢能吾邑志之輯雖不敢遽跂於古作者之  
林庶幾於天人之際事物之宜罔不賅備其亦文中子所謂言  
典致博者歟茲志之成時閱數稔官經數易垂成而幾輟者屢  
矣向非賢長吏及良有司倡導吾邑士紳奔走籌維安得及時

而觀厥成即幸而告成或且拾叢殘沿簡陋靡所訂正其遂能  
如斯志之精審乎廸斌夙志所在讀斯志而欣感交集有不能  
自己者又以賢長吏有司及吾邑士紳倡導籌維之功之不  
可沒也爰不辭而為之序

中華民國十有四年十月 王廸斌序於析津寄廬



志書之流源生制古者三代迭輔軒使平陸  
絕域採牙之至人勇不之之脯而殊方并佐  
皆泯量之於目前以泐以浮如石行志隨之  
徑籍志風使通義廣之我之志筆指不務  
生款皆志書之系出無政其原旨著述務求  
確當考據不厭精詳與夫記載搜剔尤必  
賅實而周密是之至古人之用心固不徒以標榜  
風華爲相矜者此所以信之在泐世歷久而  
彌新而泐泐之良學術之進化並足以雅

若世道人心者吾在此而生願此志書之不容  
或忘之生所聞固不巨且重哉實美技恥雕蟲  
學附囊袖一霍萍雲夢葉膜旁形幸果友心  
撮家言生公良之之嚴核閱舊稿是有床前  
任省公以生叔著新志以承志一志於有清  
宣統元年條公使時故有可觀惟以採擇  
未備體例尤殊民國十年於公應白劉任有奎  
於此撥就庶志以編物志第以未竟願切良

可惜也寶善  
王政富強侯紀  
受集道伸張  
訪是王與報  
九常與李浦  
吳君世榮王  
與唐  
樞策共勸善  
舉勉成厥事  
一舉而賢未  
竟之功藉作  
地方改資之  
履亦幸矣  
輯吉  
成備值征  
駭已駕用  
并數行在  
簡端而估  
他年之鴻  
靈云爾

錦西王寶善